



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quae sacerdotes Dei declinare debeant. ccxxvi.

urn:nbn:de:hbz:466:1-10722

D. BURCHARDI EPIS. VVORMAC.

De accusatis episcopis. Cap. CCXXI.

Ex decre. Felicis pa. ca. 4. **S**I primates accusatores episcoporum cum eis pacifice re familiariter minimè potuerint, tunc tempore legitimo eos ad synodum canonicè conuocatam, nò infra angusta tēpora canonicè conuocent, & prius eis per scripta significant quod eis opponitur, vt ad responsonem parati adueniant. Nam si aut vi, aut timore eiekti, aut suis rebus expoliati fuerint, nec canonicè vocari ad synodum possunt, nec respondere æmulis debent antequam canonicè restituantur, & sua omnia eis legaliter reddantur.

Quòd non ita in ecclesiasticis agendum sit negocijs sicut in secularibus. Cap. CCXXII.

Ex decre. eiusdem, cap. 16. **N**on enim in ecclesiasticis agendum est negocijs, sicut in secularibus. Priusquàm legibus vocatus venerit, vt quum in foro decertare cœperit aliquis, non licet ante peractā causam recedere. In ecclesiasticis verò causa dicta recedere licet, si necesse fuerit, aut si se pregruari viderit.

Quòd nulli papa viuentis alium eligere liceat. Cap. CCXXIII.

Ex decre. Symmachi papa cap. 3. **S**iquis presbyter aut diaconus, aut clericus papa incolu mi, & eo inconsulto subscriptionem pro Romano pontificatu cōmendare, aut pitacio promittere, aut sacramentum præbere tentauerit, aut aliquod suffragium polliceri, vel de hac causa priuatis conuenticulis factis deliberare, atq; decernere, loci sui dignitate & cōmunionem priuetur.

De sessione episcopi. Cap. CCXXIII.

Ex cōcil. Carthagi. **I**N Ecclesia in confessu presbyterorum, episcopus sublimior sedeat.

Item de ordinatione episcopi. Cap. CCXXV.

Ex dictis Theodori archiepiscopi. **I**N ordinatione episcopi, ipse qui ordinat Missam celebrare debet, & qui ordinatur similiter.

Quæ sacerdotes Dei declinare debeant. Cap. CCXXVI.

Ex cōcil. Turonē. cap. 1. **Q**uæcunque ad aurium, & ad oculorum pertinent illecebras, vnde vigor animi emolliri posse credatur, vt de aliquibus generibus musicorū, aliisque nō

nullis rebus, omnes dei sacerdotes se abstinere debēt: quia per aurium, oculorumque illecebras vitiorum turba ad animum ingredi solet, histrionū quoque turpium & obscœ norum insolentias iocorum, ipsi animo effugere, cæterisque sacerdotibus effugienda prædicare debent.

De hereditate episcopi, cæterorumque ecclesiasticorum.
Cap. CCXXVII.

SED & hoc ibidem inuentū est de episcopis, presbytris & clericis, si hereditatē à domino rege, vel ab alio principe, vel amico suo, seu per hereditariam sortem sibi deuenerit, vel adquisierunt, donare eis liceat hanc cui uerint, dum uiuunt pro remedio animæ, ad Ecclesiā quācunque elegerint, vel cōsanguineis suis vel amicis. Sin autem antea obierint, quā firmiter perfecerint: altari cui seruiunt omnia perpetuò sanctificentur, & in ius tradantur. Similiter de presbyteris statutum est. Hildibertus Moguntinensis archiepiscopus subscripsit. Robertus Treuerensis archiepiscopus subscripsit. Vnni Hameburgēsis archiepiscopus subscripsit. Adaluardus Fardinēsis episcopus subscripsit. Richuuynus Argentinēsis episcopus subscripsit. Notingus Constantiensis episcopus subscripsit. Vneuanus Padarbrunnensis episcopus subscripsit. Vdoricus Augustensis episcopus subscripsit. Bernhardus Haluuartanensis episcopus subscripsit. Rumaldus Minugardenouuardenensis episcopus subscripsit. Eberis Mindunēsis episcopus subscripsit. Necnon & abbates cum cæteris sacri ordinis uiris subscripserunt.

*Ex cōcil.
apud Al
theim ha-
bito, cap.
37. cui
interfuit
rex Con-
radus.*

Ne episcopi propter suam quietem plebem sibi cōmissam negligere præsumant. Cap. CCXXVIII.

PROUIDENDUM est, ne episcopi propter suam quietē ad remotiora loca secedentes, & suum ministerium negligentes, proprias deserant ciuitates: sed aut parochias suas cum officii efficacia circumeant, aut cum religione in suis ciuitatibus canonicè cum filiis suis degant. Presbyteros etiam sibi commissos, doctrina, castitate, & sobrietate, atque hospitalitate secundum suum ministerium ornari compellant.

*Ex cōcil.
apud san-
ctam Me-
dardum,
præsente
Carolo re-
ge, cap. 5.*